

Tuarascáil Bhliantúil na Cúirte Oibreachais, 2024



THE LABOUR COURT
An Chúirt Oibreachais



Arna Cur i Láthair an Aire Fiontar, Trádála agus Fostaíochta faoi Alt
23(1) den Acht Caidrimh Thionscail, 1946

Clár na nÁbhar

An Chúirt Oibreachais in Uimhreacha (2024)	4
Réamhrá an Chathaoirligh	5
Foilsíú Stair na Cúirte Oibreachais	6
Caibidil 1 - Feidhmeanna na Cúirte Oibreachais	8
1.1 Réamhrá ginearálta	8
Ráiteas Misin na Cúirte Oibreachais	8
1.2 Caidreamh Tionsclaíoch	8
Imscrúdú ar Dhíospóidí Caidrimh Thionscail	8
Achomhairc in aghaidh Moltaí an Oifigigh Bhreithnithe	9
Clárú Comhaontuithe Fostaíochta	9
Clárú Comhaontuithe	9
Orduithe Fostaíochta Earnála	9
Comhchoistí Oibreachais/Orduithe Rialaithe Fostaíochta	10
Cóid Chleachtais	10
1.3 Cearta fostaíochta	10
1.4 Struchtúr na Cúirte Oibreachais	11
Éisteacht	13
Cláraitheoir	13
Riarachán na Cúirte Oibreachais	13
Caibidil 2 An Bhliain faoi Athbhreithniú	14
2.1 Ceannlínte	14
2.2 Achomhairc chun na Cúirte	14
2.3 Éisteachtaí sceidealaithe	15
2.4 Cásanna Caidrimh Thionscail	15
2.5 Cásanna maidir le cearta fostaíochta	16
Caibidil 3 Tarchuir dhíospóide	18
3.1 Treocht cúig bliana 2020 – 2024	18
3.2 Cúrsaí Caidrimh Thionsclaíoch in 2024	18
Caibidil 4 - Gníomhaíochtaí Eile le linn 2024	19
4.2 Comhchoistí Oibreachais	19
Gníomhaíochtaí sa Réimse seo in 2024	20
4.4 Comhchomhairlí Tionscail	20
4.5 Comhaontuithe Fostaíochta Cláraithe	20

4.6 Orduithe Fostaíochta Earnála.....	21
Gníomhaíochtaí sa Réimse seo in 2024.....	21
5.0 Seirbhísí Inmheánacha	22
Bainistíocht Airgeadais	22
Seirbhís do Chustaiméirí.....	22
Rialáil Níos Fearr	22
Gníomhú ar son na hAeráide	22
Meabhrán Tuisceana.....	23
Foscríbhinní a ghabhann leis an Tuarascáil.....	24
Foscríbhinn 1: Staidreamh Caidrimh Thionsclaíoch	25
Foscríbhinn 2: Staitisticí maidir le cearta fostaíochta	27
Foscríbhinn 3: Comhchomhairlí Tionscail Cláraithe.....	29
Foscríbhinn 4: Tuilleadh eolais	30
Foscríbhinn 5: Tuarascáil Airgeadais don bhliain 2024	31
Foscríbhinn 6: Clár Oibre na Cúirte Oibreachais don bhliain 2024	32

An Chúirt Oibreachais in Uimhreacha (2024)



1119

Achomhairc/Tarchuir



1385 Éisteacht sceidealaithe



820

Cásanna Críochnaithe



10 gComhalta



Foireann Riaracháin

22 (21.2cl)



€3.538 milliún caite



12 Éisteacht sa Seomra
Cúirte Fíorúil, 45 Éisteacht sa
Seomra Cúirte Hibrideach

Réamhrá an Chathaoirligh



Tá sé fós mar mhisean na Cúirte Oibreachais é seo a leanas:

“Socruithe ardchaighdeáin, cothroma agus neamhchlaonta a sholáthar chun díospóidí tionsclaíoch a réiteach agus chun achomhairc i ndíospóidí a chinneadh bunaithe ar an dlí fostaíochta.”

Lean an Chúirt ar aghaidh ag cur a Plean Straitéisigh le haghaidh 2022-2024 i bhfeidhm i rith 2024 chun tacú leis an misean sin. Is féidir sonraí an phlean a fheiceáil ag www.labourcourt.ie.

Gníomhaíochtaí na Cúirte in 2024

Fuair an Chúirt 1119 achomharc agus tarchur in 2024, laghdú 2% ón líon a fuarthas in 2023, ba é sin 1141. As an 1119 a fuarthas in 2024, b'achomhairc a bhain le cearta fostaíochta iad 885 (79%) acu agus b'achomhairc agus tarchuir caidrimh thionsclaíocha iad 234 (21%) acu. Léirítear leis an bpatrún tarchur sin – cearta fostaíochta in aghaidh caidreamh tionsclaíoch – leanúint den treocht a breathnaíodh tar éis rith an Achta um Chaidreamh san Áit Oibre, 2015. Bhain na hábhair go léir a bhain le hachomhairc ar chinntí Oifigigh Bhreithniúcháin sa dlí fostaíochta le díospóidí aonair, cé gur minic a bhíonn díospóidí idir grúpaí oibrithe agus a bhfostóir i gceist le tarchuir caidrimh thionsclaíoch.

Bhí 1,385 éisteacht sceidealaithe ag an gCúirt in 2024, lena n-áirítear éisteachtaí achomharc a fuarthas in 2024 agus sna blianta roimhe sin chomh maith leo siúd a athsceidealaiódh tar éis chur siar nó chur ar atráth na chéad éisteachta sceidealaithe. Tá an líon sin i gcomparáid le 1,513 éisteacht a bhí sceidealaithe in 2023.

Tarraingíodh siar 276 achomharc chuig an gCúirt san iomlán in 2024, arbh ionann é sin agus laghdú 63% ar an líon a tarraingíodh siar in 2023 (753). As na 276 a tarraingíodh siar in 2024, tarraingíodh siar 133 tar éis dáta éisteachta a bheith sannta do na páirtithe. Rinneadh 311 iarraidh ar éisteachtaí sceidealaithe a chur siar, suas ó 297 in 2023. In 2024, d'eisigh an Chúirt 507 moladh/cinneadh/breith. Ina theannta sin, rinne an Chúirt imscrúdú ar 26 achomharc/tarchur a socraíodh ar deireadh sular eisíodh breith.

Cuireann patrún an éilimh ó pháirtithe ar atráth agus éisteachtaí sceidealta a chuirtear ar atráth mar aon leis an bpatrún aistarraingthe achomharc díreach roimh dháta agus am na héisteachta sceidealta dúshlán mór roimh iarrachtaí na Cúirte éisteacht a chur ar fáil do pháirtithe chomh luath agus is féidir tar éis tarchuir nó achomhairc. Is cur isteach an-chostasach ar chlár na Cúirte é caillteanas do-aisghabhála am éisteachta na Cúirte mar thoradh ar tharraingt siar achomhairc ar gearrfhógra.

Is é taithí na Cúirte nach dtagann cuid shuntasach d'iarratais ar éisteachtaí sceidealta a chur siar ó infhaighteacht na bpáirtithe díospóide iad féin ach óna n-ionadaithe a lorgaíonn go ndéanfaí clár na Cúirte a leasú agus a choigeartú trí thagairt don sceideal oibre nó clár gníomhaíochtaí eile an ionadaí. Is gnách go mbíonn moill shuntasach ar tharchur / achomharc na bpáirtithe a éisteacht agus a thabhairt chun críche mar thoradh ar aon éisteacht sceidealta a chur siar.

Ba é 12 líon na n-éisteachtaí a tionóladh sa Seomra Cúirte Fíorúil in 2024, agus éisteadh le 45 cás trí úsáid a bhaint as an tsaoráid Seomra Cúirte Hibrideach, rud a ligeann do pháirtithe nó d'fhinnéithe nach raibh in ann freastal ar éisteacht go pearsanta páirt a ghlacadh inti trí úsáid a bhaint as teicneolaíocht. Leis an teicneolaíocht sin, bhíodhas in ann éisteachtaí a réachtáil a mbeadh moill orthu murach sin.

Athruithe ar Chomhaltas na Cúirte le linn 2024

Chuaigh an tUas. Peter Murphy, comhalta arbh ionadaí fostóra é, ar scor i mí Feabhra 2024, tar éis dheireadh a théarma oifige. Bhí post mar ionadaí fostóra ag Peter ó ceapadh é i mí Mheán Fómhair 2005

Chuaigh Bean Uasal Linda Tanham ar scor mar chomhalta ar ionadaí oibrí í i mí Lúnasa 2024 ag deireadh a téarma oifige, tar éis di a bheith ar an gCúirt ar feadh 13 bliana.


D'éirigh Bean Uasal Jacqueline Kelly as a post mar Chláraitheoir na Cúirte ag deireadh 2024, tar éis beagnach seacht mbliana seirbhíse.

Ghlac Teresa Hannick an ról mar ionadaí oibrí an 1 Deireadh Fómhair 2024, in ionad Linda Tanham.

Faoi réir athbhreithnithe, leanfaidh an Chúirt de bheith ag feidhmiú le trí Rannán seachas ceithre cinn i láthair na huaire. Déanfar an ceathrú Rannán a athsholáthar más gá chun a chinntiú go mbeidh acmhainní leordhóthanacha ag an gCúirt fós chun a feidhmeanna reachtúla a chomhlíonadh gan moill mhíreásúnta a thiocfaidh chun cinn maidir le hachomhairc agus tarchuir a dhiúscairt.

Foilsíú Stair na Cúirte Oibreachais

I mí an Mheithimh 2024, foilsíodh stair na Cúirte a coimisiúnaíodh le linn a comórtha 75 bliain. Cuireann an t-eagrán nua sin, ina gcuirtear níos mó le stair an chomóraidh caoga bliain a thiomsaigh Ian Finlay in 1996, machnamh ar na blianta 1996 go 2021, a scríobh Andy Prendergast agus Colman Higgins.



Aitheantas

Ba mhaith liom aitheantas a thabhairt do thiomantas leanúnach Chomhaltaí agus fhoireann na Cúirte Oibreachais le linn 2024. Is í an tosaíocht leanúnach do chomhaltaí agus don fhoireann ná seirbhís phoiblí den scoth a sholáthar.

Ba mhaith liom aitheantas a thabhairt don tacaíocht a thug an Ceann Riaracháin, an tUas. Robert Furlong, dom féin agus don Chúirt i rith na bliana. Tháinig an tUas. Furlong in ionad Bernie Byrne le linn shamhradh 2024, agus faoina bhainistíocht, lean an fhoireann Riaracháin de thacaíocht a thabhairt d'oibriú rianúil na Cúirte le linn 2024.

Tá an tacaíocht a thugann an Roinn Fiontar, Trádála agus Fostaíochta don Chúirt ríthábhachtach do sheachadadh fheidhmeanna reachtúla na Cúirte. Tá caidreamh na Cúirte leis an Roinn cuiditheach i gcónaí. Ba mhaith liom buíochas a ghabháil le hArd-Rúnaí na Roinne, Declan Hughes, as an tacaíocht riachtanach sin a chur ar fáil, agus ba mhaith liom buíochas a ghabháil freisin le Dermot Mulligan, Ard-Rúnaí Cúnta sa rannán um Rialáil Áite Oibre agus Imirce Eacnamaíoch (RÁOIE) as an tacaíocht a thug sé i rith na bliana. Ar deireadh, ba mhaith liom aitheantas ar leith a thabhairt don tacaíocht bhunriachtanach agus éifeachtach a thugann Maedhbh Cronin, an Príomh-Oifigeach agus a foireann in RÁOIE na Roinne.

Kevin Foley
Cathaoirleach

Caibidil 1 - Feidhmeanna na Cúirte Oibreachais

1.1 Réamhrá ginearálta

Bunaíodh an Chúirt Oibreachais leis an Acht Caidrimh Thionscail 1946 le feidhmeanna deartha chun cabhrú le réiteach saincheisteanna caidrimh thionsclaíoch. Feabhsaíodh freagrachtaí agus ról na Cúirte go mór thar na blianta mar thoradh ar an méadú ar reachtaíocht fostaíochta náisiúnta agus Eorpach, lena n-áirítear achtú an Achta um Chaidreamh san Áit Oibre 2015, a fhorálann go bhfuil dlínse achomhairc amháin ag an gCúirt Oibreachais anois i ngach díospóid a eascraíonn faoi achtacháin cearta fostaíochta.

Is féidir ról na Cúirte a roinnt go leathan idir a cuid oibre caidrimh thionsclaíoch (na saincheisteanna sin a thagann chun na Cúirte faoi fhorálacha na nAchtanna Caidrimh Thionscail), agus a cuid oibre ar chearta fostaíochta (na cásanna / achomhairc sin a tarchuireadh chuici faoi aon cheann de na Cearta Fostaíochta reachtanna).

Ráiteas Misin na Cúirte Oibreachais

Socrúithe ardchaighdeáin, cothroma agus neamhchlaonta a sholáthar chun díospóidí caidrimh thionsclaíoch a réiteach agus chun achomhairc i ndíospóidí a chinneadh bunaithe ar an dlí fostaíochta.

1.2 Caidreamh Tionsclaíoch

Foráiltear leis na hAchtanna Caidrimh Thionscail, 1946 go 2015 do rannpháirtíocht na Cúirte Oibreachais sa réimse caidrimh thionscail, agus áirítear leis seo:

Imscrúdú ar Dhíospóidí Caidrimh Thionscail

Beidh cuid mhór de na díospóidí caidrimh thionsclaíoch a thagann chun na Cúirte lena n-imscrúdú cheana féin ina n-ábhar iarrachtaí chun réiteach comhaontaithe a bhaint amach trí chomhréiteach ag an gCoimisiún um Chaidreamh san Áit Oibre (CCÁO). Déantar díospóid a 'tharchur' chuig an gCúirt nuair a iarrann an dá pháirtí ar an gCúirt an díospóid a imscrúdú. Nuair a dhéantar an t-iarratas sin reáchtálfaidh an Chúirt éisteacht, agus ina dhiaidh sin féadfaidh sí, agus go hiondúil, 'Moladh' a eisiúint ina leagfar amach tuairim na Cúirte, bunaithe ar thuillteanais na díospóide, maidir leis an gcaoi ar cheart an díospóid a réiteach. Níl an moladh ina cheangal ar na páirtithe, ach táthar ag súil go ndéanfaidh páirtithe breithniú tromchúiseach agus ceart ar an moladh a d'iarr siad níos luaithe, ón gCúirt Oibreachais mar 'Chúirt na rogha dheiridh um chaidreamh tionscail'.

Mar mhalairt ar dhul ar aghaidh trí chomhréiteach leis an CCÁO, féadfaidh páirtí amháin nó an dá pháirtí díospóidí, de réir alt 20 den Acht Caidrimh Thionscail 1969, a tharchur go díreach chuig an gCúirt agus gealltanais tugtha don Chúirt roimh ré ag an bpáirtí tarchuir chun glacadh le moladh na Cúirte san ábhar.

Tá forálacha speisialta faoin Acht Caidrimh Thionscail (Leasú) 2001 go 2015 a bhaineann le díospóidí nuair nach bhfuil socruithe caibidlíochta i bhfeidhm laistigh den fhostaíocht. I gcás den sórt sin, tá sé de chumhacht ag an gCúirt moladh a eisiúint tar éis a himscrúdaithe, agus, mura gcloítear le téarmaí an mholta, ‘Cinneadh’ infhorghníomhaithe a eisiúint ar iarratas.

Achomhairc in aghaidh Moltaí an Oifigigh Bhreithnithe

Féadfar díospóid caidrimh thionsclaíoch a bhaineann le hoibrí amháin, nó líon beag oibrithe a tharchur ar dtús chuig Oifigeach Breithnithe de chuid an Choimisiúin um Chaidreamh san Áit Oibre le haghaidh Moladh de réir alt 13 den Acht Caidrimh Thionscail 1969. Féadfaidh ceachtar páirtí achomharc a dhéanamh chuig an gCúirt Oibreachais i gcoinne Moladh an Oifigigh Bhreithnithe agus tar éis éisteacht leis na páirtithe, eiseoidh an Chúirt ‘Cinneadh’ atá ina cheangal ar na páirtithe.

Clárú Comhaontuithe Fostaíochta

Déantar cur síos ar obair na Cúirte sa réimse seo níos déanaí sa Tuarascáil Bhliantúil seo. Go ginearálta, is éard a bheidh i gceist leis ná go gcláróidh an Chúirt comhaontú maidir le pá agus coinníollacha fostaíochta oibrithe d’aon aicme, cineál nó grúpa, déanta idir ceardchumann, nó ceardchumann oibrithe agus fostóir amháin nó níos mó, nó ceardchumann fostóirí nach bhfuil ina cheangal ach ar na páirtithe sa chomhaontú maidir le hoibrithe den aicme, den chineál nó den ghrúpa sin.

Clárú Comhaontuithe

Formheasann an Chúirt comhaontuithe comhchoiteanna freisin de réir Alt 24 den Acht um Eagrú Ama Oibre, 1997 agus de réir an Sceidil a ghabhann leis an Acht um Chosaint Fostaithe (Obair Pháirtaimseartha) 2001. Ní raibh aon chomhaontuithe ceadaithe faoi alt 24 d’Acht 1997 nó de réir an Sceidil d’Acht 2001 in 2022.

Orduithe Fostaíochta Earnála

Ar iarratas a fháil, féadfaidh an Chúirt Oibreachais scrúdú a dhéanamh ar phá, pinsin agus teidlíochtaí pá breoiteachta oibrithe in earnáil ar leith agus, má mheasann sí gur cuí sin, moladh a dhéanamh don Aire ar an ábhar. Féadfaidh na daoine seo a leanas iarratas a dhéanamh chuig an gCúirt Oibreachais:

- Ceardchumann oibrithe;
- Ceardchumann nó eagraíocht fostóirí; nó
- Ceardchumann oibrithe i gcomhpháirt le ceardchumann, nó eagraíocht fostóirí

Caithfidh ceardchumann na n-oibrithe agus eagraíocht na bhfostóirí a bheith ionadaíoch go mór ar na hoibrithe agus na fostóirí san earnáil lena mbaineann an t-iarratas.

Más rud é, tar éis moladh a fháil ón gCúirt, go bhfuil an tAire sásta go bhfuil an próiseas dá bhforáiltear san **Acht Caidrimh Thionscail (Leasú), 2015** comhlíonta ag an gCúirt Oibreachais, déanfaidh sé/sí an tOrdú. I gcás go ndéanfar ordú den sórt sin beidh sé ina cheangal ar fud na hearnála lena mbaineann sé.

Comhchoistí Oibreachais/Orduithe Rialaithe Fostaíochta

Cuimsíonn Comhchoiste Oibreachais (CCO) ionadaithe fostóirí agus oibrithe san earnáil tionscail ábhartha faoi chathaoirleach neamhspleách. Tá Comhchoiste Oibreachais go hiomlán neamhspleách ar an gCúirt Oibreachais i gcomhlíonadh a fheidhmeanna reachtúla. Nuair a thagann sé ar chomhaontú maidir le téarmaí agus coinníollacha gur chóir a bheith cumhdaithe in Ordú Rialaithe Fostaíochta, foilsíonn an CCO sonraí agus lorgaíonn sé aighneachtaí ón bpobal. Tar éis aon aighneachtaí a bhreithniú, féadfaidh an Coiste moltaí a dhéanamh don Chúirt chun Ordú Rialaithe Fostaíochta (ORF) a dhéanamh.

Tar éis moladh den sórt sin a fháil féadfaidh an Chúirt Oibreachais Moladh a dhéanamh don Aire.

Is ionstraim reachtúil é ORF a leagann amach pá agus coinníollacha fostaíochta a bhaineann le gráid shonraithe, nó le catagóirí oibrithe in earnáil ar leith. De bhun moltaí a fuarthas ón CCO don earnáil sin atá glactha ag an gCúirt Oibreachais, féadfaidh an tAire Fiontar, Trádála agus Fostaíochta ordú a dhéanamh ag deimhniú téarmaí an ORF, má tá sé/sí sásta gur comhlíonadh na coinníollacha reachtúla. Ní foláir gach ordú a dhéanfaidh an tAire a chur faoi bhráid dhá Theach an Oireachtais agus féadfar é a chur ar neamhní le rún ó cheachtar Teach.

Cóid Chleachtais

Déanann an tAcht Caidrimh Thionscail 1990 foráil maidir le dréacht 'Cóid Chleachtais' a ullmhú ag an gCoimisiún le cur faoi bhráid an Aire maidir le caidreamh tionscail. I gcás ina bhfuil cód den sórt sin i bhfeidhm, féadfar iarratas a dhéanamh chuig an gCúirt Oibreachais chun a théarmaí a léirmhíniú. Chomh maith leis sin, féadfar gearán a dhéanamh leis an gCúirt maidir le sárú ar chód.


1.3 Cearta fostaíochta

Is éard atá i gceist le príomhobair na Cúirte i réimse na gceart fostaíochta ná feidhmiú mar an comhlacht achomhairc aonair chun achomharc a dhéanamh ar chinntí Oifigigh Bhreithnithe an CCÁO arna ndéanamh faoi achtacháin um chearta fostaíochta.

1.4 Struchtúr na Cúirte Oibreachais

An Chúirt Oibreachais

Ag tús 2024 bhí 13 chomhalta lánaimseartha sa Chúirt Oibreachais: Cathaoirleach, triúr Leas-Chathaoirleach agus seachtar Gnáthchomhaltaí, ar Comhaltaí Fostóra iad ceathrar acu agus ar Comhaltaí Oibrí iad triúr acu. Ba é cinneadh an Aire in 2023, tar éis measúnú a dhéanamh ar obair a bhí idir lámha ag RFTF, nach líonfaí folúntais a thiocfadh chun cinn sa Chúirt sa chaoi is go laghdófaí, i bhfeidhmiú, líon rannán na Cúirte ó cheithre cinn go trí cinn faoi dheireadh ráithe a haon in 2024. Faoi dheireadh 2024, laghdaíodh na Gnáthchomhaltaí go seisear, triúr Comhaltaí Fostóra agus triúr Comhaltaí Oibrí.





Grianghraf den Chúirt agus den Chláraitheoir i mí Eanáir 2023.


Ina seasamh: Ó chlé go deis – Jacqui Kelly, Peter Murphy, Paul P. Bell, Sylvia Doyle, Gavin Marie, Arthur Hall, Clare Tracey, Paul O’Brien agus Linda Tanham.

Ina suí: Ó chlé go deis – Tom Geraghty, Louise O’Donnell, Kevin Foley, Katie Connolly agus Alan Haugh.

Tabhair do d’aire: Ceapadh an Cathaoirleach, an Leas-Chathaoirleach agus an Cláraitheoir tar éis comórtais phoiblí a bhí á chomhordú ag an tSeirbhís um Cheapacháin Phoiblí. Is é an tAire Fiontar, Trádála agus Fostaíochta a cheapann Gnáthchomhaltaí tar éis ainmniúchán Comhaltaí Fostóirí ag IBEC agus ainmniúchán Comhaltaí Oibrithe ag an ICTU.

Éisteacht

Tionólaíonn Rannán den Chúirt a cheapann an Cathaoirleach chun na críche sin gach éisteacht den Chúirt. Tá Rannán den Chúirt comhdhéanta de Chathaoirleach (nó Leas-Chathaoirleach) na Cúirte, Comhalta Oibrithe agus Comhalta Fostóra.




Cláraitheoir

Is é Cláraitheoir na Cúirte Oibreachais, atá ina Shealbhóir Oifige Reachtúil, comhairleoir dlí na Cúirte agus cuireann sé seirbhísí dlí agus comhairle ar fáil don Chúirt Oibreachais agus í ag comhlíonadh a feidhmeanna reachtúla.

Riarachán na Cúirte Oibreachais

Tacaítear leis an gCúirt Oibreachais ina feidhm ó sheirbhís riaracháin ina bhfuil fostaithe buana ar státseirbhísigh iad agus atá mar chuid de bhunaíocht foirne na Roinne Fiontar, Trádála agus Fostaíochta, atá sannta don Chúirt Oibreachais faoi láthair.




Caibidil 2 An Bhliain faoi Athbhreithniú

2.1 Ceannlínte

Le linn 2024, rinne an Chúirt Oibreachais an méid seo a leanas:

- Fuair sí 1119 achomharc/tarchur;
- Sceidealaíodh 1385 éisteacht;
- Deonaíodh 311 cur siar;
- Cuireadh 820 cás i gcrích (cásanna a cinneadh, a socraíodh nó a tarraingíodh siar); agus
- Bhí 364 achomharc / tarchur réidh le pleanáil ag deireadh 2024.

Léaráid 1: Gníomhaíochtaí ceannlíne




2.2 Achomhairc chun na Cúirte

Ar an iomlán, is beag diall a léirítear i líon na dtarchur/na n-achomharc chuig an gCúirt Oibreachais in 2024 ón mbliain roimhe sin (ó 1141 go 1119, arb ionann é agus laghdú 2%).

B'ionann Tarchuir agus Achomhairc faoi na hAchtanna Caidrimh Thionscail 1946 go 2015 agus 21% d'iomlán na dtarchur / achomharc. Tháinig laghdú 34% ar tharchuir caidrimh thionsclaíoch i gcomparáid le líon na dtarchur den sórt sin a fuarthas in 2023 (353 tite go 234).

B'ionann achomhairc faoi reachtaíocht ceart fostaíochta agus 79% de na cásanna a tháinig chun na Cúirte, méadú 12% ar an mbliain roimhe sin.

Léaráid 2: Achomhairc chaidrimh thionsclaíoch agus cearta fostaíochta chun na Cúirte



Féach Foscríbhinní [1](#) agus [2](#) le haghaidh miondealú mionsonraithe ar na príomhfhiigiúirí achomhairc sin.

2.3 Éisteachtaí sceidealaithe

Bhí 1,385 éisteacht san iomlán sceidealaithe ag an gCúirt in 2024, agus bhí 1% díobh sin sceidealaithe i Seomra Cúirte Fíorúil. Deonaíodh 311 cur siar san iomlán le linn 2024. Tarraingíodh 276 cás siar san iomlán agus bhain 261 díobh sin le cásanna a bhí sceidealaithe le haghaidh éisteachta. Bhí tionchar suntasach ag aistarraingtí den sórt sin, go háirithe nuair a tharla siad go gairid roimh dháta sceidealta agus am na héisteachta, ar chumas na Cúirte a cuid acmhainní a bhainistiú go héifeachtach maidir le leithdháileadh am éisteachta sheomra na Cúirte.


Tionóladh 45 éisteacht sa Seomra Cúirte Cumaiscthe, rud a chuir ar chumas roinnt rannpháirtithe freastal ar na héisteachtaí trí chianrochtain a úsáid.

2.4 Cásanna Caidrimh Thionscail

Fuarthas 234 cás faoi na hAchtanna Caidrimh Thionscail 1946-2015. Ba é líon na gcásanna a críochnaíodh (i.e. ar eisíodh moladh, cinneadh nó breith ina leith, nó inar shocraigh an páirtí tarchuir an cheist) in 2023 ná 199 (nó 236 cás má chuirtear iad siúd a tarraingíodh siar san áireamh).

Is féidir téacs gach cinn de na cásanna caidrimh thionsclaíoch inar eisigh an Chúirt moladh a fheiceáil ar shuíomh gréasáin na Cúirte www.labourcourt.ie.

Léaráid 3: Gníomhaíocht ar chásanna caidrimh thionscail




Tá faisnéis ar phróifíl na gcásanna caidrimh thionsclaíoch a fuarthas agus a críochnaíodh in 2024 i [bhFoscúbhinn 1](#).

2.5 Cásanna maidir le cearta fostaíochta

Ba é 885 líon na n-achomharc ar chearta fostaíochta a fuair an Chúirt in 2024. Ba é 345 líon na gcásanna a cuireadh i gcrích (i.e. ar eisíodh moladh, cinneadh nó breith ina leith nó ar socraíodh an t-ábhar ina leith roimh éisteacht nó ag éisteacht), agus tarraingíodh 239 cás siar ag éisteacht nó ag sceidealú nó roimhe sin.

Is féidir téacs gach cinn de na hachomhairc inar eisigh an Chúirt Breith a fheiceáil ar shuíomh gréasáin na Cúirte www.labourcourt.ie.


Léaráid 4: Gníomhaíocht achomhairc um chearta fostaíochta



Tá faisnéis ar phróifíl na n-achomharc ar chearta fostaíochta a fuarthas, a críochnaíodh agus a tarraingíodh siar in 2024 i [bhFoscríbhinn 2](#).

As na 885 achomharc ar chearta fostaíochta a fuair an Chúirt le linn 2024, bhain 51.2% le hachomhairc faoi na hAchtanna um Dhífhostú Éagórach, 1977 - 2015, na hAchtanna um Chomhionannas Fostaíochta, 1998 - 2021 agus an tAcht um Íoc Pá, 1991.

Léaráid 5: Gníomhaíocht Achomhairc maidir le Dífhostú Éagórach, Comhionannas agus Íocaíocht Pá



Chomh maith leis sin, tá sé mar fheidhm ag an gCúirt Oibreachais achomhairc a chinneadh faoi chinntí Oifigigh Bhreithnithe faoin raon iomlán reachtaíochta um chosaint fostaíochta atá ann faoi láthair.


Féach [Foscríbhinn 2](#) le haghaidh staitisticí mionsonraithe maidir le gníomhaíocht cháis.

Caibidil 3 Tarchuir dhíospóide

3.1 Treocht cúig bliana 2020 – 2024

Choinnigh achomhairc/tarchuir in 2024 leibhéal comhsheasmhach leis an dá bhliain roimhe sin, agus leis an leibhéal roimh 2020, rud a léiríonn go raibh baint ag an titim a léiríodh in 2020/2021 le tionchar phaindéim COVID-19.

Léaráid 7: Líon na dtarchur díospóidí fostaíochta agus tionscail 2019 – 2024



3.2 Cúrsaí Caidrimh Thionsclaíoch in 2024

De réir na Príomh-Oifige Staidrimh, bhí cúig dhíospóid tionscail ar siúl in 2024 a raibh baint ag 608 oibrí leo, agus bhí baint ag 3,326 oibrí le dhá dhíospóid tionscail déag in 2023.

Tábla 1: Díospóidí tionscail 2020 -2024

Catagóir	2024	2023	2022	2021	2020
Líon na nDíospóidí	5	12	7	2	8
Líon na nGnólachtaí	25	32	50	2	8
Líon na nOibrithe	608	3,326	4,078	543	22,076
Líon na Laethanta Caillte	3,580	4,203	5,256	1,515	21,704

Foinse: an Phríomh-Oifig Staidrimh

Caibidil 4 - Gníomhaíochtaí Eile le linn 2024

4.2 Comhchoistí Oibreachais

Déanann na hAchtanna Caidrimh Thionscail 1946 - 2015 foráil do chóras Comhchoistí Oibreachais (CCOnna), ar meicníocht é a cheadaíonn íosrátaí reachtúla pá agus coinníollacha fostaíochta a shocrú in earnálacha tionscail ar leith trí mheicníocht na nOrduithe Rialaithe Fostaíochta (ORFanna).

Cuimsíonn CCO ionadaithe fostóirí agus oibrithe san earnáil ábhartha faoi chathaoirleach neamhspleách arna cheapadh ag an Aire. Is í an Chúirt a cheapann an t-oibrí agus comhaltaí an fhostóra de réir an Chúigiú Sceideal den Acht Caidrimh Thionscail 1990. Nuair a bheidh moltaí le haghaidh ORF curtha le chéile ag an CCO, ní mór é seo a chur in iúl don phobal agus uiríll a lorg. Tar éis aon uiríll den sórt sin a bhreithniú, féadfaidh an Coiste, faoi réir aon leasuithe a dhéanfaidh sé, na tograí a ghlacadh agus na tograí arna nglacadh a chur faoi bhráid na Cúirte ansin lena n-áirítear tuarascáil ó Chathaoirleach an CCO ina leagtar amach na himthosca a bhain lena nglacadh, mar aon le cóipeanna d'aon aighneachtaí nó doiciméid a bhreithnigh an CCO agus na tograí á gcur le chéile agus á nglacadh aige. Sa chás go nglacann an Chúirt leis na moltaí seoltar chuig an Aire iad ansin agus má bhíonn an tAire sásta gur comhlíonadh na ceanglais reachtúla déanann an tAire ORF a thugann éifeacht do na moltaí.

Bhí na CCOnna OFE seo a leanas ann sa bhliain 2024.

1. Oibrithe Talmhaíochta
2. Lónadóireacht
3. Seirbhísí Glantacháin ar Conradh
4. Gruagaireacht
5. Óstáin
6. Gnó Miondíola, Grósaera agus Gaolmhar
7. Tionscal Slándála
8. Earnáil Scoileanna Béarla
9. Seirbhísí Luathbhlianta

Moladh san athbhreithniú is déanaí faoi Alt 41A den Acht Caidrimh Thionscail, 1946 ('an tAcht') a críochnaíodh ar an 12 Aibreán 2023 go gcoinneofaí na CConna go léir a raibh ina n-ábhar don Athbhreithniú ina bhfoirm reatha. Tá sonraí an athbhreithnithe sin foilsithe ar www.labourcourt.ie.

Gníomhaíochtaí sa Réimse seo in 2024

Seirbhís Luathbhlianta

Tháinig CCO na Seirbhíse Luathbhlianta le chéile roinnt uaireanta ach níor éirigh leis moltaí a cheapadh le haghaidh ORF(anna) nua/athbhreithnithe. I mí Lúnasa 2023 cuireadh an t-ábhar sin faoi bhráid na Cúirte Oibreachais lena mholadh mar a fhoráiltear le halt 42B(4) den Acht Caidrimh Thionscail, 1946. D'éisigh an Chúirt Oibreachais moladh an 14 Meán Fómhair 2023. Bunaithe ar an moladh sin, tháinig dhá IR nua i bhfeidhm an 24 Meitheamh 2024.

[I.R. Uimh. 296 de 2024, An tOrdú um Rialáil Fostaíochta \(Leasú\) \(Comhchoiste Oibreachais na Seirbhíse Luathbhlianta\), Ordú Uimh. 1 de 2024](#)

[I.R. Uimh. 297 de 2024, An tOrdú um Rialáil Fostaíochta \(Leasú\) \(Comhchoiste Oibreachais na Seirbhíse Luathbhlianta\), Ordú Uimh. 2 de 2024](#)

4.4 Comhchomhairlí Tionscail

Is comhlacht deonach caibidlíochta é "*Comhchomhairle Tionscail cháilithe*" (CCT) do thionscal nó do chuid de thionscal, atá ionadaíoch d'fhostóirí agus d'oibrithe. Má chomhlíonann sé na coinníollacha atá leagtha amach sa reachtaíocht um chaidreamh tionscail, féadfaidh sé iarratas a dhéanamh chuig an gCúirt Oibreachais ar chlárú agus, má shásaítear í, cuirfidh an Chúirt ar Chlár na gComhchomhairlí Tionscail é.

Éascaíonn an Chúirt Oibreachais na CCTanna trí oifigeach de chuid na Cúirte a chur ar fáil chun gníomhú mar rúnaí ag a gcruinnithe. Tá mionsonraí ar na CCTanna sin atá cláraithe leis an gCúirt ón 31 Nollaig 2024 san áireamh i [bhFoscríbhinn 3](#).

Seachas na cúig chomhlacht ar Chlár na CCTanna, tá roinnt comhlachtaí eile ann atá ag gabháil do ghníomhaíochtaí comhchosúla, ach nach ndearna iarratas ar chlárúchán e.g. an CCT maidir le Tionscal Conarthach Leictreach agus CCT Fostaithe Tionscail an Stáit. Cuireann an Chúirt Oibreachais oifigeach de chuid na Cúirte ar fáil chun a bheith mar rúnaí ag cruinnithe na gcomhlachtaí sin agus d'fhreastail oifigigh na Cúirte ar ocht gcruinniú den CCT Conarthach Leictreach agus cúig chruinniú de CCT Fostaithe Tionscail an Stáit i rith na bliana.

4.5 Comhaontuithe Fostaíochta Cláraithe

Chuir an tAcht Caidrimh Thionscail (Leasú) 2015 meicníocht ar fáil chun comhaontuithe fostaíochta idir fostóir nó fostóirí agus ceardchumann a rialaíonn téarmaí agus coinníollacha i bhfiontair aonair a chlárú.

Sainmhíníonn an tAcht Caidrimh Thionscail (Leasú), 2015 comhaontú fostaíochta mar seo a leanas:

“comhaontú a bhaineann le luach saothair nó le coinníollacha fostaíochta oibrithe d’aon aicme, cineál nó grúpa arna dhéanamh idir ceardchumann nó ceardchumann oibrithe agus fostóir amháin nó níos mó nó ceardchumann fostóirí, atá ceangailteach ar na páirtithe sa chomhaontú i leith oibrithe den aicme, den chineál nó den ghrúpa sin.”

Nuair atá an Chúirt Oibreachais sásta go sásaíonn comhaontú a thíolactar na ceanglais reachtúla ábhartha cláróidh sí an comhaontú. Is é an éifeacht atá leis sin forálacha an chomhaontaithe a dhéanamh infhorghníomhaithe le dlí maidir le gach oibrí den chineál aicme nó den ghrúpa a bhfuil sé sainráite go bhfuil feidhm aige maidir leis.

4.6 Orduithe Fostaíochta Earnála

Soláthraíonn Orduithe Fostaíochta Earnála (OFEnna) arna ndéanamh faoin Acht um Chaidreamh san Áit Oibre, 2015 creat reachtach a cheadaíonn Orduithe Reachtúla a dhéanamh lena bhforáiltear d’íosrátaí pá, saoire bhreuiteachta agus pinsin a chur i bhfeidhm ar oibrithe d’aicme, de chineál nó de ghrúpa (lena n-áirítear printísigh) in earnáil eacnamaíoch shonraithe. Ní mór nós imeachta um réiteach díospóide a bheith in OFE freisin agus gníomhaíonn sé mar sin chun comhchuibheas tionsclaíoch a chur chun cinn agus chun corraíl thionsclaíoch a íoslaghdú.

Ar iarratas a fháil, féadfaidh an Chúirt Oibreachais scrúdú a thionscnamh ar phá, pinsin agus teidlíochtaí pá breuiteachta oibrithe in earnáil ar leith agus, má mheasann sí gur cuí sin, féadfaidh sí moladh a dhéanamh don Aire ar an ábhar. Féadfaidh na daoine OFE seo a leanas iarratas den sórt sin a dhéanamh:

- Ceardchumann oibrithe;
- Ceardchumann nó eagraíocht fostóirí; nó
- Ceardchumann oibrithe i gcomhpháirt le ceardchumann, nó eagraíocht fostóirí

Caithfidh ceardchumann na n-oibrithe agus / nó eagraíocht na bhfostóirí a bheith ionadaíoch go mór ar na hoibrithe agus na fostóirí san earnáil lena mbaineann an t-iarratas.

Má tá an tAire sásta gur chomhlíon an Chúirt forálacha an Achta Caidrimh Thionscail (Leasú), 2015, déanfaidh sé/sí an tOrdú. I gcás go ndéanfar Ordú den sórt sin beidh sé ina cheangal ar fud na hearnála lena mbaineann sé.

Gníomhaíochtaí sa Réimse seo in 2024

OFE Earnáil na Foirgníochta 2024 - Shínigh an tAire OFE nua le haghaidh Earnáil na Foirgníochta an 7 Samhain 2024. Is leasú é sin ar IR 234 de 2019 arna leasú ag I.R. 598 de 2021 agus ag I.R. 207 de 2023. Leagtar síos leis an leasú rátaí nua pá, pinsin agus pá breuiteachta san earnáil ón 1 Lúnasa 2025.

Is féidir breathnú ar an OFE anseo:

[I.R. Uimh. 620 de 2024, AN tORDÚ UM FHOSTAÍOCHT EARNÁLA \(EARNÁIL NA FOSTAÍOCHTA\), 2024](#)

5.0 Seirbhísí Inmheánacha

Bainistíocht Airgeadais

Tá an Chúirt Oibreachais maoinithe ag an Stáitchiste, tríd an Roinn Fiontar, Trádála agus Fostaíochta. Thabhaigh an Chúirt caiteachas €3,192,282.93 san iomlán le linn 2024. Áiríodh leis sin €2,698,340.48 i leith pá agus €493,942.45 i leith neamhphá. Déantar airgead uile na Cúirte Oibreachais a riar trí bhuiséad na Roinne agus is cuid de chuntais na Roinne iad. Chomh maith lena tairiscintí féin a shocrú maidir le soláthar earraí agus seirbhísí, baineann an Chúirt leas freisin as seirbhísí tarraingt anuas ón Roinn i réimsí amhail foghlaim agus forbairt. Déantar monatóireacht leanúnach ar chaiteachas agus déantar athbhreithniú air ar bhonn míosúil.

Le haghaidh sonraí féach [Foscríbhinn 5: Tuarascáil Airgeadais don bhliain 2024.](#)

Seirbhís do Chustaiméirí

Feidhmíonn an Chúirt Oibreachais faoi Chairt agus Plean Gníomhaíochta Seirbhíse do Chustaiméirí 2022-2024. Leagtar amach sa Chairt an leibhéal ar féidir le húsáideoirí seirbhísí a bheith ag súil leis má bhíonn deis acu leas a bhaint as seirbhísí na Cúirte. Déantar cur síos sa Phlean Gníomhaíochta Custaiméirí ar an gcaoi a seachadfar na gealltanais agus na caighdeáin a leagtar amach sa Chairt Chustaiméirí de réir threoirphrionsabail QCS a glacadh ar fud na seirbhíse poiblí. Is féidir an Chairt a fheiceáil ag www.labourcourt.ie

Rialáil Níos Fearr

Tá an Chúirt Oibreachais tiomanta d'fhóram éifeachtúil agus inrochtana a chur ar fáil chun cúrsaí díospóide idir fostóirí agus oibrithe sa Stát a réiteach. Chuige sin, rinneadh cleachtais laistigh den Chúirt a oiriúnú chun rochtain dhigiteach agus cianrochtain dá húsáideoirí a éascú. Trí thairseach ar líne a thabhairt isteach go hiomlán go luath in 2024, is féidir achomhairc agus tarchuir a chur isteach go díreach lena mbreithniú ag an gCúirt, agus tugadh isteach teicneolaíocht chun cianfhreastal ar éisteachtaí a cheadú i gcás inarb iomchuí i gceanncheathrú na Cúirte Oibreachais. Tá éisteachtaí fíorúla, a tugadh isteach le linn phaindéim COVID-19, in úsáid fós i gcás ina bhfuil sé sin oiriúnach do chúinsí na bpáirtithe díospóideacha. Tá na feabhsuithe praiticiúla sin ar sholáthar shainordú na Cúirte ag teacht le gealltanais níos leithne sa tseirbhís phoiblí maidir le prionsabail na Rialála Níos Fearr, lena n-íoslaghdaítear a mhéid is féidir faoi láthair an t-ualach riaracháin ar na páirtithe i gcásanna a éistean an Chúirt.

Gníomhú ar son na hAeráide

Leanann an Chúirt Oibreachais de dhul chun cinn suntasach a dhéanamh chun a spriocanna maidir le gníomhú ar son na haeráide a bhaint amach. I ndáil leis an méid sin, tá feabhas os cionn 72 % déanta ag an gCúirt ar a héifeachtúlacht fuinnimh ó bhí 2009 ann. Ciallaíonn sé sin gur bhain an Chúirt a spriocanna éifeachtúlachta fuinnimh amach cheana agus gur sháraigh sí iad roimh spriocdháta 2030.

Tá laghdú os cionn 52 % tagtha ar iomlán na n-astaíochtaí CO₂ ón gCúirt ó 2016 i leith agus tá sé beartaithe ag an gCúirt a spriocanna maidir le hastaíochtaí CO₂ a bhaint amach roimh 2030.

Meabhrán Tuisceana

In 2024 d'ullmhaigh an Chúirt Oibreachais Meabhrán Tuisceana (MT) lena máthair-Roinn, an Roinn Fiontar, Trádála agus Fostaíochta, chun an ceanglas faoi chinneadh an Rialtais ar an 15 Samhain 2011 a chomhlíonadh agus faoi Chlár Athchóirithe na Seirbhíse Poiblí a foilsíodh an 17 Samhain 2011 do gach Roinn, *inter alia*, Comhaontuithe láidre ar Leibhéal Seirbhíse a chur i bhfeidhm lena Comhlachtaí Stáit faoi mhí an Mheithimh 2012.

Gheall an Chúirt leibhéal comhaontaithe seirbhíse a sholáthar i gcomhréir leis na spriocanna insoláthartha agus leis na critéir feidhmíochta a shonraítear sa chlár oibre bliantúil comhaontaithe mar a leagtar amach i [bhFoscríbhinn 6](#) agus i gcomhréir leis an reachtaíocht ábhartha uile.

Foscúibhinní a ghabhann leis an Tuarascáil



Foscúbhinn 1: Staidreamh Caidrimh Thionsclaíoch

Tábla 1.1 Próifíl na gcásanna caidrimh thionsclaíoch a fuarthas.

		2023	2024
Achomharc ar Chinneadh an Oifigigh Bhreithnithe	Alt 13(9), an tAcht Caidrimh Thionscail, 1969	151	107
	Alt 10, an tAcht Caidrimh Thionscail (Forálacha Ilghnéitheacha), 2004	9	0
	Alt 45(B), an tAcht Caidrimh Thionscail, 1946	2	4
Tarchur Díreach	Alt 20(1), an tAcht Caidrimh Thionscail, 1969	99	57
	Alt 20(2), an tAcht Caidrimh Thionscail, 1969	5	0
	Alt 2(1), an tAcht Caidrimh Thionscail (Leasú), 2001	0	0
	Alt 26(5), an tAcht Caidrimh Thionscail, 1990	1	5
	Alt 12(1), an tAcht Caidrimh Thionscail (Leasú) 2015	1	0
	Alt 23(3), an tAcht Caidrimh Thionscail (Leasú) 2015	9	1
	Alt 42B(4), an tAcht Caidrimh Thionscail, 1946	2	0
Seirbhís Chomhréitigh	Alt 26(1), an tAcht Caidrimh Thionscail, 1990	74	60
Iomlán		353	234

Tábla 1.2: Gníomhaíocht cásanna caidrimh thionsclaíoch 2024 de réir catagóire

	Oibrí	Cuideachta	Tarraingthe siar	Socraithe	Soiléiriú eisiithe/gan dlínse	Moltaí/ Cinntí	Cinntí ar seasadh leo	Cinntí a cuireadh ar ceal	Éagsúl	Lasmuigh den Teoirainn Ama	Tarchur Díreach
Alt 23(3), an tAcht Caidrimh Thionscail (Leasú), 2015	1	0	3	0	0	1	0	1	0	0	0
Alt 13(9), an tAcht Caidrimh Thionscail, 1969	72	35	18	2	0	88	37	25	24	2	0
Alt 20(1), an tAcht Caidrimh Thionscail, 1969	54	3	9	3	4	40	0	0	0	0	40
Alt 20(2), an tAcht Caidrimh Thionscail, 1969	0	0	0	0	0	1	0	0	0	0	1
Alt 26(1), an tAcht Caidrimh Thionscail, 1990	59	1	7	5	2	44	0	0	0	0	44
Alt 26(5), an tAcht Caidrimh Thionscail, 1990	4	1	0	0	1	2	0	0	0	0	2
Alt 45(B) an tAcht Caidrimh Thionscail, 1946	2	2	0	0	0	6	6	0	0	0	0
Alt 42B(4), an tAcht Caidrimh Thionscail, 1946	0	0	0	0	0	0	0	0	0	0	0
Móriomlán	192	42	37	10	7	182	43	26	24	2	87
	Iomlán a fuarthas 234		Iomlán a críochnaíodh 237				Cinntí iomlána 182				

Foscúbhinn 2: Staitisticí maidir le cearta fostaíochta

Tábla 2.2: Próifil na n-achomharc ar chearta fostaíochta a fuarthas

Alt /Acht /Feidhmiú	2024	2023	% athrú ó 2023
Dífhostú Éagórach	135	173	78
Alt 8A na hAchtanna um Dhífhostú Éagórach, 1977	135	173	
Comhionannas	159	146	109
Alt 83, an tAcht um Chomhionannas Fostaíochta, 1998	159	145	
Alt 77(12), an tAcht um Chomhionannas Fostaíochta, 1998	0	1	
Íocaíocht Pá	159	112	142
Alt 7, an tAcht um Íoc Pá, 1991	159	112	
Am Oibre a Eagrú	123	80	153
Alt 28, an tAcht um Eagrú Ama Oibre, 1997	123	80	
Téarmaí Fostaíochta	104	78	133
Alt 8, an tAcht um Théarmaí Fostaíochta (Faisnéis), 1994-2018	104	78	
Fógra Íosta & Téarmaí Fostaíochta	31	37	84
Alt 12A Na hAchtanna um Fhógra Íosta agus Téarmaí Fostaíochta 1973	31	37	
Íocaíochtaí Iomarcaíochta	38	44	86
Alt 39A an tAcht um Íocaíochtaí Iomarcaíochta 1967	38	44	
Cosaint Fostaithe ar Ghnóthais a Aistriú	21	15	140
Alt 11(1) Rialacháin CE (Cosaint Fostaithe ar Ghnóthais a Aistriú), 2003	21	15	
Nochtaí Cosanta	28	10	280
Alt 2 de Sceideal 2, an tAcht um Nochtadh Cosanta, 2014	0	10	
Alt 12(2), an tAcht um Nochtadh Cosanta, 2014	28	0	
Sábháilteacht, Sláinte & Leas san Ionad Oibre	17	32	53
Alt 29, an tAcht um Shábháilteacht, Sláinte agus Leas ag an Obair, 2005	17	32	
An tAcht um Chosaint Fostaithe (Obair Téarma Shocraithe)	28	14	200
Alt 15, an tAcht um Chosaint Fostaithe (Obair Téarma Shocraithe), 2003	4	14	
An tAcht um Chosaint Fostaithe (Obair Téarma Shocraithe), 2003	24	0	
Pá Íosta Náisiúnta	8	6	133

Alt 27(1), an tAcht um Pá Íosta Náisiúnta, 2000 agus 2015	8	6	
Acht um Chosaint Fostaithe (Obair Pháirtaimseartha)	5	1	500
Alt 17 an tAcht um Chosaint Fostaithe (Obair Pháirtaimseartha), 2001	5	1	
Saoire do Thuismitheoirí	7	2	350
Alt 19 (1), na hAchtanna um Shaoire do Thuismitheoirí 1998 agus 2006	7	2	
Gach achomharc eile a fuair an Chúirt	22	38	58
Alt 21(2) den Acht um Fhaisnéis & Comhchomhairle Thrasnáisiúnta d'Fhostaithe 1996	0	4	
Sceideal III, an tAcht Iomaíochta 2002-2010	1	0	
Alt 32(2), an tAcht um Chosaint Mháithreachais, 1994	0	0	
Alt 27 den Acht um Shaoire agus Sochar Atharthachta 2016	0	2	
Alt 33(1), an tAcht um Chosaint Mháithreachais, 1994	1	2	
Alt 24 den Acht um Shaoire agus Sochar Tuismitheora, 2019	3	0	
Alt 20(2), an tAcht um Cheartas Coiriúil 2011	1	1	
Alt 25 (2,) an tAcht um Chosaint Fostaithe (Obair Ghníomhaireachta Shealadach), 2012	4	4	
Rialachán 19, Rialacháin na gComhphobal Eorpach (Iompar ar Bhóithre) (Eagrú Am Oibre Daoine a dhéanann Gníomhaíochtaí Soghluaiste Iompair ar Bhóithre), 2012	2	5	
Alt 35 den Acht Breisoideachais agus Oiliúna, 2013	1	0	
Alt 67(5) den Acht um Rialáil Seirbhísí Maoine 2011	0	1	
Rialachán 6 Rialacháin na gComhphobal Eorpach (Fostaíocht a Chosaint) 2000	0	2	
Alt 8A(5), an tAcht um Éilliú a Chosc (Leasú), 2001	0	3	
Alt 6(2), an tAcht um Éilliú a Chosc (Leasú), 2010	1	0	
Alt 81E d'Acht na bPinsean, 1990 arna leasú ag an Acht Leasa Shóisialaigh (Forálacha Ilghnéitheacha) 2004	1	7	
Alt 81(1) d'Achtanna na bPinsean, 1990 go 2014	0	2	
Alt 11, an tAcht um Shaoire Bhreuiteachta, 2022	2	0	
An tAcht um Chaomhnú Fostaíochta, 1977	3	4	
Sceideal 2 den Acht um Cheadanna Fostaíochta, 2006	2	1	
Iomláin	885	788	112%

Foscríbhinn 3: Comhchomhairlí Tionscail Cláraithe

Tá na sonraí seo a leanas faoi chomhlachais ar Chlár na gComhchomhairlí Tionscail i rith na tréimhse a chuimsítear sa Tuarascáil seo tugtha de réir cheanglais alt 23(3) den Acht Caidrimh Thionscail, 1946.

1. Comhchomhairle Tionscail do Thionscal na mBuataisí agus na mBróg in Éirinn

Dáta Clárúcháin: 10 Iúil 1948

Rúnaí: Bean Uasal C. Cronin/Bean Uasal C. O'Reilly, an Chúirt Oibreachais

2. Comhchomhairle Tionscail do Thrádáil Mhórdhíola Torthaí agus Glasraí Bhaile Átha Cliath

Dáta Clárúcháin: 27 Eanáir 1964

Rúnaí: Bean Uasal C. Cronin/Bean Uasal C. O'Reilly, an Chúirt Oibreachais

3. Comhchomhairle Tionscail do Thionscal na Tógála

Dáta Clárúcháin: 26 Iúil 1965

Rúnaí: Bean Uasal C. Cronin/Bean Uasal C. O'Reilly, an Chúirt Oibreachais

4. Comhchomhairle Tionscail don Tionscal Slándála

Dáta Clárúcháin: 12 Nollaig 2011

Rúnaí: Bean Uasal C. Cronin/Bean Uasal C. O'Reilly, an Chúirt Oibreachais

5. Comhchomhairle Tionscail don Tionscal Conartha Glantacháin

Dáta Clárúcháin: 19 Nollaig 2011

Rúnaí: Bean Uasal C. Cronin/Bean Uasal C. O'Reilly, an Chúirt Oibreachais

Foscríbhinn 4: Tuilleadh eolais

Tá tuilleadh eolais faoi aon rud sa Tuarascáil Bhliantúil seo ar fáil ó:

An Chúirt Oibreachais
Teach Lansdúin
Bóthar Lansdún
Baile Átha Cliath 4
D04 A3A8

Teileafón: (01) 613 6666 -

Or 0818 613666

Ríomhphost: info@labourcourt.ie

Suíomh Gréasáin: www.labourcourt.ie

Ceist	Rannóg iomchuí den Chúirt Oibreachais	Teagmháil
Maidir le cás ar leith <u>roimh</u> an éisteacht	An Rannóg Ríomhchlárúcháin	01 613 6666 nó 0818 613666 Ríomhphost info@labourcourt.ie
Maidir le cás ar leith <u>tar éis</u> na héisteachta	Rúnaí Cúirte Iomchuí	Mar a léiríodh ag an éisteacht
Comhchoistí Oibreachais Comhaontuithe Fostaíochta Cláraithe/Orduithe Fostaíochta Earnála Orduithe Rialaithe Fostaíochta	Rúnaí Cúirte Iomchuí	Mar a léiríodh ag an éisteacht
Eolas ginearálta faoi chúrsaí caidrimh thionsclaíoch agus cearta fostaíochta.	Seirbhísí do Chustaiméirí um Chaidreamh san Áit Oibre	01 6136700 nó 0818 80 80 90

Fosc­ríbhinn 5: Tuarascáil Airgeadais don bhliain 2024

Tábla 5.1 Olltoradh na Cúirte Oibreachais, 2024

Toradh		€
Pá		€2,698,340.48
Neamhphá		€493,942.45
Iomlán		€3,192,282.93

Tábla 5.2 Príomhréimsí caiteachais neamhphá

		€
TFC		€65,318.91
Éisteachtaí Réigiúnacha		€122,208.99
Trealamh & Soláthairtí Oifige		€32256.63
Teileafóin Phoist		€24,156.22

Íocaíochtaí Pras

I rith 2024 lean an Chúirt ar aghaidh ag comhlíonadh an Achta um Íoc Pras Cuntas, 1997 arna leasú ag Rialacháin na gComhphobal Eorpach (Íocaíocht Dhéanach in Idirbhearta Tráchtála), 2002.

Foscúbhinn 6: Clár Oibre na Cúirte Oibreachais don bhliain 2024

Cuspóir Straitéiseach	Cuspóir
Cuspóir Straitéiseach 1: Seirbhís éifeachtach ar ardchaighdeán a sholáthar d'úsáideoirí cúirte	Próiseáil, liostú agus bainistiú feabhsaithe cásanna a sheachadadh.
	A chinntiú go dtugtar tacaíocht do gach suí Cúirte atá sceidealta chun freastal ar riachtanais gach úsáideora.
	Buntaca a thabhairt do choincheap na Cúirte Oibreachais mar chúirt na rogha deiridh i gcás díospóidí caidrimh thionsclaíoch agus mar an comhlacht achomhairc aonair do gach gearán a dhéantar faoi chomhlacht an dlí fostaíochta le féiniúlacht láidir branda agus feabhas a chur ar chumarsáid leis an bpobal
	Caighdeán seirbhíse custaiméara cuí a fhorbairt
Cuspóir Straitéiseach 2: Comhaltaí Cúirte agus foireann riaracháin a fhorbairt agus tacú leo	Tacú le forbairt foirne riaracháin trí riachtanais oiliúna reatha agus amach anseo a aithint agus aghaidh a thabhairt orthu agus a chinntiú go gcuirtear na scileanna, an t-eolas agus an taithí ar fáil don fhoireann go léir le feidhmiú agus forbairt laistigh dá ról
	Foráil a dhéanamh d'aistriú eolais chun leanúnachas seirbhíse a chinntiú nuair a bhogann an fhoireann riaracháin de bharr ardú céime, soghluaisteachta nó scoir.
	Feabhas a chur ar chumarsáid inmheánach
	Leanúint leis an gclár forbartha gairmiúla do Chomhaltaí Cúirte
Cuspóir Straitéiseach 3: Teicneolaíocht a bharrfheabhsú agus próiseas cásbhainistithe a fheabhsú	Éifeachtúlachtaí a ghiniúint trí úsáid níos mó a bhaint as seachadadh seirbhíse ar líne
	Próisis agus sreafaí oibre níos éifeachtaí a shainaithint agus a chur i bhfeidhm
	Feabhas a chur ar www.labourcourt.ie chun rochtain fheabhsaithe agus éasca le húsáid ar fhaisnéis agus ar sheirbhísí ar líne a sholáthar d'úsáideoirí cúirte.
Cuspóir Straitéiseach 4: Rialachas éifeachtach a chinntiú	Leanúint ar aghaidh ag cloí le ceanglais RFTF maidir le pleanáil gnó, bainistíocht riosca, bainistíocht taifead, soláthar poiblí, nósanna imeachta airgeadais, RGCS agus Saoráil Faisnéise.

AN CHÚIRT OIBREACHAIS

Teach Lansdúin
Bóthar Lansdún
Baile Átha Cliath 4
D04 A3

Teil: 01 6136666

nó 0818 613666

Ríomhphost: info@labourcourt.ie

Suíomh Gréasáin: www.labourcourt.ie



THE LABOUR COURT
An Chúirt Oibreachais

